

潛室陳先生木鍾集十一卷

(宋)陳埴撰 元建安吳氏友于堂刻本。框

高十八·二釐米，寬十一·八釐米。每半葉十二行，行二十二字，黑口，左右雙邊。

存十卷(卷一，卷三至十一)，有抄配。

陳埴，字器之，永嘉(今屬浙江)人。嘉定七年(一二一四)舉進士，授通直郎。主講明道書院，四方學者從遊者甚衆，稱為潛室先生。所著有《禹貢辨》、《洪範解》、《王制章句》。

是書雖以集名，而實為語錄。其體例皆先設問而答之，前有埴題詞，謂取《禮記·學記》「善問者如攻堅木，善待問者如撞鍾」之意，因名曰「木鍾」。凡經說九卷，近思雜問一卷，史論一卷。

此本目錄後有「建安吳氏」鼎式木記、「友于堂刊」方形木記，按吳氏友于堂元泰定元年(一三二四)曾刻有《新編事文類聚翰墨全書》，知此亦元代閩中所刻。

明弘治辛酉(十四年 一五〇一)，瑞安令高賓曾重刻是書，前有辛酉春三月甲子賜進士中順大夫溫州府知府吉水鄧淮序，後有辛酉夏六月丁丑朔又六日高賓後序。

元刻傳世極罕，瞿氏鐵琴銅劍樓、陸氏皕宋樓二家目錄所載者皆為弘治本。惟丁丙《善本書室藏書志》卷十五著錄有元刻，存卷四至六、九至十，餘均抄配。其本書影見於《盍山書影》第二輯下，檢對此本，實為一刻。弘治本行款與此本相合，而卷五至十一皆改題曰某卷下，未知所據。《四庫全書》據以著錄者即為弘治本。館臣未見此本，遂疑卷五至十一或各佚其上半卷。實則此本各卷首原無「下」字，不必置疑。

鈐有「錢爾復印」、「曾為徐紫珊所藏」、「上海徐渭仁收藏印」、「徐渭仁印」、「隨軒」印。今藏上海圖書館。（郭立暄）